



গণপ্রজাতন্ত্রী বাংলাদেশ সরকার

# তথ্য অধিদফতর

PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH



তথ্যবিবরণী

নম্বর-১৭৬

নিউ গভঃ ডিহী কলেজে ৬তলা একাডেমিক ভবনের ভিত্তিপ্রস্তর স্থাপন করলেন রাসিক মেয়র

রাজশাহী; ২৪ মাঘ (০৮ ফেব্রুয়ারি):

রাজশাহী মহানগরীষ্ঠ নিউ গভঃ ডিহী কলেজে ৬তলা বিশিষ্ট একাডেমিক ভবনের ভিত্তিপ্রস্তর স্থাপন করা হয়েছে।

বৃহস্পতিবার (০৮ ফেব্রুয়ারি) বেলা এগারোটায় কলেজ প্রাঙ্গণে এ উপলক্ষ্যে আয়োজিত অনুষ্ঠানে প্রধান অতিথি হিসেবে উপস্থিত থেকে ফলক উন্মোচন করে একাডেমিক ভবনের নির্মাণকাজ আনুষ্ঠানিকভাবে উদ্বোধন করেন রাজশাহী সিটি কর্পোরেশনের মেয়র এ.এইচ.এম খায়রুজ্জামান লিটন।

সরকারি কলেজসমূহে বিজ্ঞান শিক্ষার সুযোগ সম্প্রসারণ প্রকল্প (ফোসেপ) এর আওতায় এ একাডেমিক ভবন নির্মিত হচ্ছে। এর নির্মাণকাজ বাস্তবায়ন করছে মাধ্যমিক ও উচ্চ শিক্ষা অধিদপ্তর। ভবনটি নির্মাণে ব্যয় ধরা হয়েছে ১০ কোটি ২৩ লাখ টাকা।

উদ্বোধনকালে নিউ গভঃ ডিহী কলেজের অধ্যক্ষ প্রফেসর কালা চাঁদ শীল, প্রকল্প পরিচালক ড. খন্দকার মুজাহিদুল হক, উপাধ্যক্ষ প্রফেসর মোঃ মতিউর রহমান, স্টাফ কাউন্সিলের সম্পাদক প্রফেসর মোঃ জিয়াউর রহমানসহ অন্যান্য শিক্ষক, কর্মকর্তা-কর্মচারী ও কলেজের শিক্ষার্থীবৃন্দ উপস্থিত ছিলেন।

.....  
তৌহিদ/সিকান্দার/হালিম/সাইদুর/২০২৪/১৫:৫৫৪.